

AKTA

UDAL OSOKO OHIKO BATZARRA

Udal-Osoko ohiko batzarra bildu da:

Eguna: 2025/04/30

Ordua: 18:00-ak

Tokia: Udaletxeko Areto Nagusian

Bertaratuak:

Alkatea: Joana Mendiboure

Zinegotziak:

EHBildu

Agustin Lekuona Irastorza
Olaia Lasa Olaziregi
Garazi Urdampilleta Astibia
Ibon Mitxelena Fernandez
Nora Velez del Burgo Zalakain
Jexux Olaziregi Bagües
Oihana Irastorza Gonzalez
Aiako Harria Gaztelumendi Gaztelumendi
Jon Albisu Mendiburu
Ibintza Iragorri Iriarte

EAJ-PNV

Janire Mitxelena Lekuona
Rafael Bergaretxe Urdampilleta
Maitane Larruskain Agirre

Idazkaria:

Xabier de la Mota Vazquez

Ezin etorria adierazi dute:

Edorta Fernandez Etxepeteleku
Ekain Susperregi Ibarguren
Iñaki Arbelaiz Mitxelena

AZTERGAIAK:

1. Aurreko batzarrari dagokion aktaren onarpena.
2. Larraburu bidea 2, Ezkontzegi baserriko 2024/02 epeko ura-estolderiaren ordainagiriaren berrikuspena egin zen.
3. Hileta edo omenaldi zibilak arautzeko ordenantzaren hasierako onarpena egin zen.
4. Beste organoen jardueraren jarraipena.
5. Eskari-galderak.

Esan-eginak eta erabakiak

-I-

AURREKO BATZARRARI DAGOKION AKTAREN ONARPENA

2025eko apirilaren 26an egindako Udal Osoko ohiko bilkuraren akta onartu zen aho batez, aldeko 13 botorekin (EH Bildu 10, EAJ/PNV 3)

-II-

LARRABURU BIDEA 2, EZKONTZEGI BASERRIKO 2024/02 EPEKO URA-ESTOLDERIAREN ORDAINAGIRIAREN BERRIKUSPENA.

Alkateak adierazten du, lehengo urteko diru kontuak direnez nahita nahiez Udal Osoko batzarretik pasa beharreko gai bat dela, behin hori aipatuta bozkara pasatzen da.

Guzti hau kontutan hartuta, Diruzainaren txostenaren baitan eta Antolaketa eta Kontu Berezien batzorde informatzaileak 2025eko apirilaren 10ean egindako bilkuran emandako aldeko diktamenarekin adostasunean, Udalbatzak, aho batez, hartu du honako:

AKORDIOA

Bakarra.-2024/02 epeko uraren ordain-agiria baliogabetu (ordaindua balego itzultzea) eta ordezeko berria sortzea, fugan sortutako kontsumoa eta kontadore horrek jarduera arruntean daukan bataz besteko kontsumoarekin, 28m³tako kontsumoarekin.

Baliogabetu beharreko ordain-agiriak:

Izena : BERRONDO,TELLERIA,M LOURDES IFZ/PAS: 72426536L
O Zer Urt Ep Er. Agiria Z. Zerga Konzeptua Ego. Ep Zenbatekoa

3 2024 02 857 0 URA-ESTOL-LARRABURU BIDEA E0 107,36

2024/02

Kontsumoa 28m³

	Finkoa	Mugikorra			Denera zatika
		t. mugik	konts.	denera	
Ura-est	11,8	1,27	28	35,56	47,36
BEZ	0,1				4,74
Kanona		0,025	28	0,7	0,70
		Guztira €			52,80

-III-

HILETA EDO OMENALDI ZIBILAK ARAUTZEKO ORDENANTZAREN HASIERAKO ONARPENA

Alkateak azaltzen du, Oiartzunek baduela beilatokia, herritarrek ohitura handia dutela hau erabiltzeko eta ikusirik egun geroz eta hileta eta omenaldi zibil gehiago egiten direla, adierazten du aproposa izango litzatekeela beilatokia hileta eta omenaldi zibilak egiteko.

Beilatokiaz gain beste hainbat espazio ere proposatzen dira, Udaleko Pleno aretoa eta Arizmendieneako lorategia.

Eskaerak egiteko ezarritako prozedura ximplea dela aipatzen du eta besterik gabe idazkariari hitza ematen dio.

Idazkariak dio, ordenantzen ohiko prozedurari jarraituz, 30 egunez erakusketa publikoan egongo da eta alegaziorik ez bada ez da Udal Osoko batzara bueltatzen eta onartutzat joko da, alegazioak badaude hauek ebatzi eta Udal osoko batzara bueltatuko da gaia.

Guzti hau kontutan hartuta, Idazkariaren eta Kontuhartzailearen txostenaren baitan eta Antolaketa eta Kontu Berezien batzorde informatzaileak 2025eko apirilaren 10ean egindako bilkuran emandako aldeko diktamenarekin adostasunean, Udalbatzak, aho batez, hartu du honako:

AKORDIOA

Lehena.- Hasierako onespina ematea Hileta edo omenaldi zibilak arautzeko udal ordenantzari, eranskinean jasota dagoena.

Bigarrena.- Jendaurrean jartzea, hogeita hamar egun balioduneko epean, administrazio-espediente hau, erreklamazio edo iradokizunen ondorioetarako, hain zuzen ere iragarki hau Gipuzkoako Aldizkari Ofizialean argitaratzen den hurrengo egunetik hasita. Epe horretan interesatu guztiek Udal bulegoetan espedientea aztertu ahal izango dute eta erreklamazioak edo iradokizunak aurkeztu ahal izango dituzte Administrazio Publikoen Administrazio Prozedura Erkideari buruzko urriaren 1eko 39/2015 Legeak araututako lekuetan eta moduetan.

Jendeari erakusgai egoteko epea igarotzen bada inolako erreklamaziorik edo oharpenik jaso gabe, behin betiko onartutzat joko da, beste erabakirik hartu beharrik gabe.

-IV-

BESTE ORGANOEN JARDUERAREN JARRAIPENA: HARTUTAKO ERABAKIEN (ALKATETZAREN EBAZPENAK ETA GOBERNU BATZORDEKO AKORDIOAK), PROTOKOLO GASTUEN BERRI EMATEA.

Idazkariak honakoen berri eman die Udalbatza kideei:

- Hartutako erabakiak:

Alkatearen ebazpenak:
2025eko martxoaren 21etik apirilaren 25era arte.

Zk. 2025/550etik 2025/787ra.

Tokiko Gobernu Batzarra:

Bilkura honen deialdia egin zen eguna arte Tokiko Gobernu Batzarra bitan bildu da, 2025eko apirilaren 8an eta apirilaren 29an, hain zuzen ere.

- Protokolo eta ordezkapen gastuak eta dietak:

2025eko martxoa:

		Bazkariak, luntxak,	6,00	
		Bidaiak	65,79	
		Ikurriñak,garraikurrak	239,10	
Guzti	honen	...		
		Guztira	310,89	berri ematen zaio Udalbatzari

1. ESKARI-GALDERAK

Ez da eskaerarik ez eta galderarik egon.

Eta beste aztergairik ezean, lehendakariak amaitutzat eman du batzarra, 18:10ak direnean. Idazkariak batzarrari dagokion agiri hau idatzi eta alkateak irakurri eta ontzat eman ondoren, biek izenpetu dute, bat etorriz Toki Erakundearen Antolamendu, Jardunbide eta Araubideari buruz indarrean dagoen Erregelamenduaren 110.2 artikuluan agindutakoarekin. Eta horren guztiaren fede, nik, idazkaria naizen honek, ematen dut.

Alkatea



Sin.: Joana Mendiboure

Idazkaria



Sin.: Xabier de la Mota

I. ERANSKINA

OIARTZUNEN HILETA EDO OMENALDI ZIBILAK ARAUTZEKO ORDENANTZA

ATARIKOA

Estatu akonfesional batean, erakundeek pertsonen eta elkarten askatasun ideologiko eta erlijiosoa eta gurtzarako askatasuna bermatu behar da, eta horretarako muga bakarra legeak ezartzen duen ordena publikoa errespetatzeko beharra da. Bestalde, gure gizartean aniztasun ideologikoa, erlijiosoa eta kulturala da nagusi, gizarte plurala baita, eta ohituren eta ekintza sozialen adierazpenak etengabe ari dira aldatzen.

Heriotzagatiko hileta edo omenaldi zibilak egiteko behar soziala sortu da, horrelako ekitaldia izatea erabaki duten herritarrei zeremonia duina eta pertsonala eskaintzeko beharretik, herritar horiek bizitza ulertzeko duten modua errespetat dadin. Udalaren bete beharra da gero eta handiagoa den behar sozial horri erantzutea.

Ordenantza honen helburua, beraz, Oiartzungo gizarte zibila osatzen duten familiek, adiskideek, erakundeek edo taldeek beren hildakoak omentzeko edo horiei agurtzeko egin nahi dituzten ekitaldiak baimentzeko arauak ematea da, hala, pertsona horien ekarpenak edo balio etikoak zein gizatiarrak onartzeko.

I. TITULUA XEDEA

1. artikulua.

Ordenantza honen xedea Oiartzungo Udalerrian hildakoei omenaldi edo hileta zibila egiteko Udalaren lokalak erabiltzeko eta horretarako baimena jasotzeko arauak xedatzea da.

II. TITULUA ERRESERBAK

2. artikulua.

Alkatetzak edo hori ordezkatzeko duen zinegotziak hileta zibiletarako edo omenaldietarako gordetako espazioak erabiltzea baimendu ahal izango du.

III. TITULUA PROZEDURA HASTEA

3. artikulua.

Hileta zibil eta omenaldietarako gordetako espazioak erabiltzeko eskaerak Oiartzungo Udaletxeko Alkatetzara zuzenduko dira, Administrazio Publikoetako Prozedura Administratibo bateratuko urriaren 1eko 39/2015 Legeak ahalbideratutako moduen bitartez.

Agurra gorpua eramateko unean beilatokian bertan egingo bada eta ez bada aparteko azpiegitura gehigarriarik aurreikusten, agurra beilatokiko egonaldiaren parte bezala kontsideratuko da eta ez da

erreserbarik egin beharko. 6. artikuluan agertzen diren gainerako guneak erabiltzeko erreserba egin beharko da.

4. artikulua.

Erreserbak egiterakoan ondorengo datuak jaso beharko dira:

- a) Eskatera egin duen pertsonaren izen, abizen, helbide eta NAN zenbakia.
- b) Hildakoaren izen abizenak.
- c) Heriotza-ziurtagiria.
- d) Hileta edo omenaldia zibila aurrera eraman nahi den egun eta ordu lehentasunak.
- e) Eskatera leku eta datak.
- f) Eskatzailearen sinadura eta bere nortasuna egiaztatzen duen agiria, horretarako edozein bide erabiliz.
- g) Ekitaldiaren eta erabiliko den materialaren deskribapen laburra.
- h) Ekitaldiaren iraupena.
- i) Tasaren ordainketa demostratzen duen dokumentua, ordenantza fiskaletan honen aurre ordainketa aurreikusi bada.

IV. TITULUA PROZEDURAREN INSTRUKZIOA

5. artikulua

Hileta edo omenaldi zibila egiteko eguna eta ordua Alkateak edo horren ordezkariak onartuko ditu.

Instrukzioa eskaerak aurkeztu diren orden zorrotzean egingo da. Dena den aparteko eta presazko beharrian objektibo baten ondorioz, gerta daiteke eskaerak aurkeztutako ordena ez errespetatzea. Azaldutakoa gorabehera ondo motibatua egon beharko da arrazoia eta eskatutako ordutegia aldatu zaien eskatzaileei kontsulta egin beharko zaie.

6. artikulua

Hileta edo omenaldi zibila egiteko ondorengo lekuak baimentzen ditu udal honek:

- **Udaleko pleno aretoa.** Gehienezko aforoa: XXXX. Gune estalia da.
- **Arizmendieneko lorategia.** Gehienezko aforoa: XXXX. Gune irekia da.
- **Beilatokiko harrera gunea,** betiere beilatokian beste gorpurik ez badago edo beste hildakoaren hurbilekoen adostasuna jaso bada. Gehienezko aforoa: XXXX. Gune estalia da.

- **Beilatokiko atzeko belardia.** Gehienezko aforoa: gune irekia denez gero, ez dago aforo mugarik. Gune irekia da.

Gune guztiek betetzen dituzte irisgarritasun baldintzak.
Eraikinen irekiera eta itxiera Alkatetzatik koordinatuko dira.

7. artikulua

Beilatokian izan ezik, hileta edo omenaldi zibilak ezin izango dira gorpua aurrean dela egin, hala ere hildakoaren errautsak dituen kutxa bertan dela egin ahalko dira.

8. artikulua.

Hileta edo omenaldi zibilak astelehenetik igandera egingo dira, horretarako beharrezkoak diren udal-baliabideak gaituko direlarik.

9. artikulua.

Hileta eta omenaldi zibilak egiteko ordutegia:

Astelehenetik-ostiralera arratsaldeko 16:00etatik 20:00etara izango da.

Larunbatetan eta igandetan, goizez, 10:00etatik 13:00etara eta arratsaldez, 16:00etatik 20:00etara.

Ordu tarte horietan itxi eta irekiko dira espazioak.

V. TITULUA ESKUBIDEAK ETA BETEBEHARRAK

10. artikulua.

Udal lokalen zainketa egokia bermatzeko, zeremonian parte hartuko dutenek ez dute berorietan kalterik edo galerarik eragin dezakeen inolako ekintzarik egingo.

11.artikulua

Esleitutako lokala modu bereziren batean egokitu nahi badute, aurrez eta nahikoa denboraz Udaleko arduradunari horren berri eman beharko diote, hartu beharreko erabakiak har ditzan; hala ere, lekuaren harmonia eta ezaugarriak errespetatu beharko dituzte beti, eta sor daitezkeen gastuak beren gain hartu beharko dituzte. Ekitaldia egiteko zerbitzu osagarriak interesdunaren kontura eta kargura izango dira, baina betiere, Oiartzungo Udalak ikuskatu ahalko ditu. Ekitaldia amaitutakoan erabilitako tokia hasieran zegoen moduan utzi beharko da, txukun eta egoki antolatuta.

12. artikulua

Eskaera egin duten pertsonak hileta edo omenaldi zibila egiteko ezarritakoaz aparteko beste espazio publiko bat erabili nahi badu, eskaera hori ere zehaztu beharko du. Udalak erabili nahi den espazio publikoa hesituko du, lehenago zehaztutako eskubideak eta betebeharrak betetzen badira, betiere.

13. artikulua

Ordenantza honetan aurreikusten ez den edozein alderdietarako, udal arduradunaren aginduak hartuko dira kontuan.

XEDAPEN GEHIGARRIA

Oiartzungo Udaleko Alkateari baimena ematen zaio ordenantza hau aplikatzeko beharrezko diren jarduketa guztiak egin ditzan.

AZKEN XEDAPENA

Ordenantza honen behin betiko testua Gipuzkoako Aldizkari Ofizialena argitaratu eta biharamunetik zenbatzen hasi eta 15 egunera jarriko da indarrean, eta Udalbatzak aldatzeko edo indargabetzeko erabakia hartu arte izango da indarrean

Antolakuntza Batzordeak, 2025eko martxoaren XXan egindako bileran, gaia aztertu eta irizpena eman zuen, eta hau izan zen emaitza:

